

Haupsaach jesonk

Miç hõdde vörrisch Johr em Jaade
an Spließkühl Würmschere on Made.
Die wore op die Bla ¹ verseiße
on han komplätt se affjefreiße.
Dõ bleff fü os mä nauch dä Stronk.
De Haupsaach eß, miç send jesonk.

Dä alde Deckmies sit nauch joot.
Jedauch seng Ärm, die send ze kott.
De Ziedong nämlisch kann dä Alde
net wik jenooch mi van sisch halde.
Hä sit schwazz-wiß, hä sit och bonk.
De Haupsaach eß, hä eß jesonk.

Et Trees ² hät döck us Loß am Eiße
an Sahnekooch sisch krank jejeiße.
Me kann jõ bej çsu völl Sahne
die körperliche Folëje ahne:
Trees eß äntspräschend kuçronk ³.
De Haupsaach eß, et eß jesonk.

Miç woole ens nõ Qõche jau
on stoonge promp en ene Stau.
Statt op de lenke Sie ze rase,
öm os çrömm mä Uspuff-Jase.
On wie dat jõttserbärlisch stonk!
De Haupsaach eß, miç send jesonk.

Am Stammdöisch leißte Donnçschdaach
hät Möllçsch Kreß ⁴ sisch krank jelaach.
Dauch broot dä net nõm Aarz ze jonn,
sisch met Rezäpp çrömmzeschlõnn;
Dänn dat eß keene Krankheetsjronk.
Dä Möllçsch Kreß eß käçjesonk ⁵.

¹ Blätter ² Therese ³ kugelrund ⁴ Christian Müller
⁵ kerngesund

En Kallmannshuuse ¹ net belieb
send Vuël- on de Schweinejripp ².
Och Katzechooreallerjie
die hödde me et leefsde nie.
Mię dulde hüükstens Flüh vam Honk.
De Haupsaach eß, mię send jesonk.

Dä Jerred us de Schnällejass
hött em Jesiët en rude Nas.
Of Cola, of e Jläsje Schlör,
of Doppelkorn, of Kirschlikör:
Et wor ejaal, wat Jerred dronk.
De Haupsaach eß, hä wor jesonk.

Wer korpulänt eß, well net emme
jet donn fü wirklich afzenämme,
statt Schwäljerej en Saus on Braus
ernähre sisch met haleve Kauß ³ ??
On dat mä wäje-r-e paa Ponk ??!
De Haupsaach eß, mię send jesonk.

Ene Nordik-Woöking-Wanderjäck
dä hät en jede Hank ene Stäck.
Hä moss wahl vürher dat Hantiere
met die zwei Stäcke jrönklisch lihre.
Sonß lööf-e sisch de Fengere wonk.
De Haupsaach eß, hä eß jesonk.

Kott vür de Urlaubszik fenk emme
dr Pries für Diesel aa ze klömme.
Die Öëlscheischs us de Jolfregion
han domet sälde jet ze donn.
Wat eß dō wahl dä wahre Jronk?!
De Haupsaach eß, mię send jesonk.

¹ Eschweiler ² Vogel- und die Schweinegrippe ³ Kost

Wänn denge Nobber Musick hüet
on disch bejm Meddaachsschlöffje stüet,
dann nemmste iesch ens aa, dä deet
dat us Jedankelosischkeet,
on hels zenääks ens denge Monk.
De Haupsaach eß, du beß jesonk.

An Fastelqvend wid jefiet
on sisch als Kloon on Ahl maskiet,
bes Äischemettwoch Daach on Naat
et Dier jejaach ¹ on dureschjemaat.
An Fastelqvend jeet et ronk!
De Haupsaach eß, miç send jesonk.

Ene fiese Käll stüß om Trottwaa
en äldere Frau va henge aa
on klaut met eene Jreff dõbee
hör us de Teisch et Põtmanee.
Dä fiese Jauner on Halonk ²!
De Haupsaach eß, se eß jesonk.

Trotzalledäm wid me ens krank.
Dauch dõfür jit et – Jõttseidank –
die Döktesch ³, die disch operiere
on met Tablätte uskuriere.
Dänn net zeleiß us su-ne Ironk
send Döktesch finanzjäll jesonk.

¹ es toll treiben ² Halunke ³ Ärzte